

45. stjórnarfundur Bergrisans bs.

16.09.2022

Staðsetning: Bankinn vinnustofa

Mætt:

Fjóra Steindóra Kristinsdóttir, Ása Valdís Árnadóttir, Ingibjörg Garðarsdóttir, Heiða Ösp Kristjánsdóttir, Svava Davíðsdóttir, Íris Ellertsdóttir og Melkorka Jónsdóttir var í fjarfundabúnaði.

Anton Kári Halldórsson tilkynnti forföll en varamaður hans hafði ekki tók á að mæta á fund. Ingibjörg Garðarsdóttir vék af fundi eftir lið 5.

Ása Valdís Árnadóttir ritaði fundargerð.

Dagskrá

Almenn erindi

1. Ráðning ráðgjafaþroskaþjálfa fyrir þjónustusvæði Bergrisans, kynning

Jóhanna Margrét Einarsdóttir hefur verið ráðin í 100% starf ráðgjafaþroskaþjálfa fyrir svæði Bergrisans en verður í 50% starfi fram að áramótum. Sigríður Leifsdóttir sinnti starfinu áður. Ráðgjafar þjónustusvæðanna munu geta nýtt sér ráðgjöf frá Jóhönnu. Starfið er hýst undir Árborg og hefur hún aðstöðu þar. Beiðnir um ráðgjöf skal senda til félagsþjónustu Árborgar frá ráðgjafaþroskaþjálfum í fagteymi Bergrisans.

Lagt fram til kynningar.

2. Breyting á forystu í búsetueiningum á Selfossi

Forstöðumaður í Vallholti 27 hefur sagt starfi sínu lausu. Vallholt 27 hefur verið skilgreint sem búseta fyrir börn með miklar þroska- og geðraskanir. Nú býr þar eitt barn og einn fullorðinn einstaklingur sem er á biðlista eftir viðunandi búsetuúrræði.

Í kjölfar þess að starfinu hefur verið sagt lausu og vegna yfirstandandi úttektar á starfsemi Bergrisans leggur deildarstjóri félagsþjónustu Árborgar í samvinnu við verkefnastjóra Bergrisans fram minnisblað þar sem eftirfarandi breytingar eru lagðar til á samsetningu starfa í Vallholti 27:

- Starf forstöðumanns Vallholts 27 verði lagt niður frá og með 1. nóvember 2022.
- Starf deildarstjóri verði óbreytt í Vallholti 27 en nú er deildarstjóri í 50% starfshlutfalli.
- Að Guðrúnu Lindu Björgvinsdóttur verði falið forstöðumannahlutverk Vallholts og gegni þá forstöðu jafnframt í Vallholti 12-14.
- Önnur starfsemi óbreytt.

Markmið með breytingunni er að ná fram samlegðaráhrifum í störfum forstöðumanns. Lagt er til að breytingin gildi í eitt ár með það að leiðarljósi að meta hvort breytingin skili tilætluðum árangri.

Stjórn Bergrisans samþykkir þessar tillögur og felur deildarstjóra félagsþjónustu Árborgar að vinna að breytingunum og að skila inn mati að ári liðnu.

3. Umsókn um aukna þjónustu fyrir barn

Tilvísun í minnisblað (1) deildarstjóra félagsþjónustu Árborgar.

Sótt er um aukningu á þjónustu vegna barns sem er í þörf fyrir sérhæfða og langvarandi þjónustu:

- Aukning í skammtímadvöl úr tveimur sólahringum í átta á mánuði.
- Stuðning á heimili.
- Liðveislu.

Kostnaðaraukning getur verið allt að 165.000.- kr. á mánuði.

Stjórn Bergrisans samþykkir aukningu á þjónustu og vísar jafnframt í reglugerð um framlög Jöfnunarsjóðs sveitarfélaga vegna þjónustu við fatlað fólk með tilliti til kostnaðaraukningar.

4. Umsókn um aukna þjónustu fyrir barn

Tilvísun í minnisblað (2) deildarstjóra félagsþjónustu Árborgar.

Sótt er um aukna þjónustu fyrir barn sem er metið með mikla og flókna þjónustupörf:

- Aukning í skammtímadvöl.
- Stuðning á heimili.
- Liðveislu.

Kostnaðaraukning getur verið allt að 165.000.- kr. á mánuði.

Stjórn Bergrisans samþykkir aukningu á þjónustu og vísar jafnframt í reglugerð um framlög Jöfnunarsjóðs sveitarfélaga vegna þjónustu við fatlað fólk með tilliti til kostnaðaraukningar.

5. Beiðni um sérhæft úrræði fyrir barn

Tilvísun í minnisblað (3) deildarstjóra félagsþjónustu Árborgar.

Sótt er um að veitt verði sérhæfð dvöl fyrir barn með mikla og flókna þjónustupörf í aðkeyptu úrræði allt að sex sólahringa á mánuði og horfa á hvíldarúrræði þar næstkomandi sumar í tvær til þrjár vikur.

Stjórn Bergrisans samþykkir að sótt verði um sérhæfða dvöl til sex mánaða og að endurmat verði framkvæmt að þeim tíma liðnum. Stjórn vísar jafnframt í reglugerð um framlög jöfnunarsjóðs sveitarfélaga vegna þjónustu við fatlað fólk með tilliti til kostnaðaraukningar.

Deildarstjóra félagsþjónustu Árborgar falið að leita tilboða vegna þjónustunnar.

6. Umsókn um sérhæft úrræði

Tilvísun í minnisblað félagsþjónustu Rangárvalla- og Vestur Skaftafellssýslu, kostnaðargreiningar og rekstraráætlunar.

Óskað er eftir að einstaklingur með auðkennisnúmer 100549 fái endurnýjun á samningi um þjónustu frá Vinakoti sem er sérhæft aðkeypt þjónustuúrræði.

Stjórn Bergrisans samþykkir endurnýjun samnings og vísar jafnframt í reglugerð um framlög Jöfnunarsjóðs sveitarfélaga vegna þjónustu við fatlað fólk.

7. Kynning á Bergrisanum

Stjórn Bergrisans felur verkefnastjóra Bergrisans að bjóða sveitarfélögum upp á kynningu og samtal um Bergrisann á næstu vikum.

Fundargerðir

8. 156. fundargerð þjónusturáðs Bergrisans bs. kynnt

Fundargerðin lögð fram til kynningar.

Fundi slitið kl.: 11:45